

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUL 11 1941

圖書編卷之十六

天道總叙

南昌後學章潢本清甫編

哈佛大學漢和
圖書館珍藏印

天行健君子以自強不息聖人教人崇效天之學也故
思知人不可不知天豈徒宜會其於穆之精謂之知性
知天哉天載固無聲臭而三垣二十八宿七政四時與
夫萬象之森羅孰非天乎徹上徹下孰非天載之默運
乎此而不知謂之能盡性參天上律天時吾不知也易
曰天垂象見吉凶聖人象之又曰仰以觀於天文
示人法天之意故堯欽曆象舜在璣衡帝王且也

太祖高皇帝默契天心精通天象登極召集名家

官制象并合華夏曲算旁占綜核古今以故二統

則徵諸七政三曆相持必協於五紀敬天勤民與時偕

行矧其災祲一譴側身脩省符瑞屢臻虛心式敬乾乾

惕若翼翼昭事故如此嘗與群臣論天與五星行度乃

以蔡氏謂天固右旋此儒家之說爾等不析而論之豈

所謂格物致知之學大哉

皇言儒家悉宜欽承之也其於天道可不析而論之乎

矧將星殞營客星犯斗即官上應列宿傳說星騎箕尾

諒非謾語王良造父稍精一藝且上應天象人可自絕

於天乎雖位育參贊變理弼亮本不假乎占候技數之

末而五經諸史所載如曆象中是日月相推千歲日至

之類俱茫然不識謂何學聖人之學窮聖人之經寧無

愧乎哉是故於天命探其原也於天文察其變也於天

時效其用也必求先天而天弗違後天而奉天時焉此

之謂天人之學也故為天道編

仰蒼龍

觀乾象先辨方圖



玄武 二十五星 九十四度

白虎 五十一星 八十度

隋天文志云庖犧氏仰觀俯察以天之二十八宿周于

圓穹之度以麗十二位隨天而轉謂之總星

春秋傳曰二十八宿分在四方方有七宿共成一象虫

獸在地有象在天東蒼龍西白虎皆南首北尾南朱雀

北玄武皆西首東尾從角起而左旋

公羊傳曰北辰曰大辰常居其所迷惑不知東西西者視

此按斗杓與北辰相脈絡北辰為十二辰之統斗杓則

指十二辰者也

邵子曰天渾渾于上而不可測也故觀斗數以知天上

之所建天之行也

按天體渾淪不可測識故分四方以應四時分十二辰以爲十二月建又以四方各七宿分二十八宿惟紫宮爲天之中央東西南北皆取正于北辰故謂北辰爲天樞爲大辰若十二辰則與天俱運旋者也但北辰無迹可指惟觀斗杓所指東西則知辰之所在可見二十八宿卽布列于十二辰者十二辰卽統于北辰者斗杓卽指十二辰者也是故觀斗之所是而天之方位宿度可辨矣况天體北高南下每夜于南方正午觀其中星之所到仰觀之法其庶幾乎

致堂胡氏曰夫天非若地之有形也自地而上無非天

者昔人以積氣名其象以倚蓋名其形皆非知天者莊周氏曰天之蒼蒼其正色耶言天無色也無色則無聲無臭皆舉之矣日月星辰之繫乎天非若山川草木之麗乎地也剛者森列纏度行止皆氣機自運莫使之然而然者無所託也若真有託則是以形相屬一麗乎形能無壞乎

朱子曰天只是一個大底物湏是大着心胸看他始得以天運言之一日固是轉一匝然又有大轉底時候不可如此偏滯求也

又曰天之外無窮而其中中央空處有限天左旋而星拱

一麗於
形便不
壞然未
于亦云
天極亦
壞何也

極仰觀可見

西山真氏曰按楊倞註荀子有曰天實無形地之上空虛者皆天也

按天如彼其大也地上空虛皆天凡物在其覆幬中者孰非天乎彼謂天卽理也天積氣也若專以無言天也前圖乾象如三垣二十八宿日月星辰莫非天也若泥于此又未免以有象求天矣其實皆是也順天理觀天象悉聖人一貫之學也易曰乾元亨利貞彖曰大哉乾元萬物資始乃統天中庸引詩曰維天之命於穆不已蓋曰天之所以爲天也又曰上天之載無聲無臭至矣

孔子曰天何言哉四時行焉百物生焉天何言哉乎此會而通之神而明之庶乎知天之學矣奈何世之人莫不謂天道遠安足以知天蓋觀之詩乎頌云敬之敬之天維顯思命不易哉無曰高高在上陟降厥事日監在茲雅云昊天曰明及爾出往昊天曰旦及爾游衍信斯言也天果遠乎此所以謂地上虛空皆天也噫果有志于知天乾象不可忽也若徒曰觀象玩占則又滯于術數之流矣何與于知天之學

仰觀義例

天體至圓周天三百六十五度四分度之一爲餘分所

得不滿一度，但一度之內，分爲四分，止得其一天本無度。因日之行而強名曰度。東西南北皆然。半覆地上，半隱地下。二十八宿分布黃道內外，天運莫測，卽日月之升沉，二十八宿旋轉可知矣。

北極居天之北，樞星主之，出地三十六度，繞樞星左右，通七十二度，謂之上規。故文昌北斗內階天厨皆爲附垣之星，觀北極者，以樞星爲正，北面而數，故左樞至上，丞七星謂之東藩，右樞至少，丞八星謂之西藩。凡附東藩皆爲在東之星，附西藩皆爲在西之星，樞之下連後宮以前皆爲在南之星，樞之上直四輔以後皆爲在北之星。此紫宮東西南北之分也。

南極居天之南，入地三十六度，世不見也。然繞旋亦有七十二度，謂之下規。井度老人近於南極之傍，故謂之南極老人，俗以老人爲南極，誤矣。天一晝夜繞地一周，復前一度，南北極持天之兩端，如傘之扛然。世徒知樞星之不動而不知南極七十二度之中，必有爲之紐者，觀象者不可以不辨也。

二十八宿共向紫宮，其東西却以地之東西論，蓋南面而數，居前爲右，爲西，居後爲左，爲東。順二十八宿之次第，與紫宮不同。上而接於紫垣者，皆爲在北之星，下而

此事以
好想想
延年

接於南極者皆爲在南之星此列舍東西南北之所分也

赤道之經除北極三十六度南極三十六度共七十二度外分天之中得一百單九度半強蓋周天三百六十五度有奇其在地下與上覆均得一百八十二度半除南北之外所以得一百單九度半強復於一百單九度坐強之中對截其半在五十四度有奇之內爲天之中道此赤道所以橫亘於列宿上下之交也

黃道之經即日之行而名之黃者中也黃道交於赤道南北適均故晝夜刻漏平分冬至黃道移而迤南自赤道交處積漸斜行至夏至黃道亦遠赤道二十四度故晝長而夜短月行九道循黃道左右其最遠者相去黃道六度耳九道者青道二出黃道東朱道二出黃道南白道二出黃道西黑道二出黃道北其交也由黃道左右而出入故九道五星之行亦循黃道去黃道則爲變古者冬至日在牽牛春分赤道交於奎秋分交於角交於牽者進而北至於東井爲黃道之極復轉而南矣交於角者退而南至於牽牛亦爲黃道之極又復轉而北矣柰天差而東

日差而西故太陽三十八年退差一度于今冬至日在箕則春分赤道交壁夏至日在參則秋分赤道交翼非黃道之異蓋由日行歲差而然也古歷簡易未立歲差之法至隋劉焯始明八十二年日行退差一度而古今中星之不同皆可推矣

五星行列舍之際凡造其環域曰入留其左右曰守光燄掩觸曰犯芒角凌爍曰闔大抵順道雖殃亦輕逆道則災必甚然當道而非利害者所過得其常惟二十八舍闔犯則大忌也

列星爲天之經小大有常闔狹有差遷而上下曰移徙

閃爍不如常曰動搖開而遠曰離散合而近日就聚非其本象大小易明曰變色光燄四射怒躁可畏曰芒角當明不明曰微明大抵司吉欲明主凶欲晦又當以六物不同則可謂之善占矣

六物歲時日月星辰也

凡按圖考象紫宮則以斗杓直乾亥爲正子之月古於昏巳午之月候於旦則列坐正矣二十八舍則以在午上中天爲正昏旦各隨其月揆日纏之所在則昏旦有考而縱橫正矣不得其正或偏直之不合於圖志闊狹之有差於分度勢然也

二十八宿分度兩頭狹而中間闊蓋近南北二極形似

傘之桶其近柄則小伸而四旁則廣赤道正經黃道斜
絡故於赤道闊者黃道微狹此以正言也黃道闊者赤
道微狹此以斜言也欲知日月五星之行必先審黃道
之度而後可推之分野也
夫天象不過日月五行二十八宿已爾然諸家所論一
彼一此今合收而並錄之不厭其煩者何也即如次舍
度數至明至著而諸家所分便有多寡之殊其於分屬
占候又可知矣蓋以天體至大天道至微非一人之聰
明所能遍識而洞窺之也故不得不合諸家之說而載
之以俟精天文之君子云

乾象總叙

乾象之說微矣理以宰之氣以運之繫其象若有依焉
廓其化若有原焉安其次若有定焉循其分若有辨焉
是故觀象而細緼散殊之道器著矣普化而屈伸往來
之直機弘矣列次而國邑分野之經理詳矣昭分而君
臣民物之體統秩矣惟德隆政治而化醇則必辨其分
而不陵犯安其次而不失行廓其原而出有常依其象
而不隕墜是故由其軌道天人其相維矣乎故觀攝提
之夾擁則慎扈衛之選觀斗杓之所建則均時今之節
觀三垣之翊蔽則重藩屏之寄觀尚書之主納言而威

夜容謀之必允也。觀柱史之主絕過而出入起居之必
欽也。觀天柱之主圖法而示法象。魏之必嚴也。觀掖門
之有執法則知糾劾之任專。觀平道之有進賢則知用
舍之道謹。觀牛鬼之有定位則知黃姑之詠。翟公之候
昏非矣。乃若天耳之有卷舌。房宿之有鍵閉。鑿戒昭焉。
嗚呼。天之所以示人者至矣。柰之何。天之高也。星辰之
遠也。欲以一藝之士。步筭於冥漠之間。詎不難哉。或曰。
習天文者。時有所禁。然則古之所以正黃道。察發斂授。
人時。頒曆朔者。豈一切廢其典哉。是非上天所以垂象。
示人之意矣。况易曰。天垂象。見吉凶。聖人象之。又曰。觀
於天文。以察時變。皆儒者事也。書有曆象。日月星辰。欽
若昊天。之典。詩有七月流火。定之方中。之詠。天王正月
揭之。春秋月令載之。禮記得非儒者所習聞乎。至於雜
出於性理通鑑。史記漢書諸傳記者。不一而足。而馬氏
文獻通考。記載頗悉。此其成書流布海宇。豈一一在所
禁乎。且儒者上論天道。皆所以究其理氣之精。考其已
往之迹耳。若夫占雲氣。驗災祥。因慧孛。飛流。以談時政。
則自有所當禁者在。噫。呈象之謂乾。效法之謂坤。崇效
天。卑法地。苟不闢乾象。其何以效之哉。有志曰。乾夕惕。
自強不息者。幸不可以天道遠而忽諸。

按此圖十二辰君逆轉者，蓋倒視之也。善觀者，揭其同，如覆盆以象天體，而仰視之，則十二辰順，而星象各居其方。此則天盤之常動者也。其觀象也，必以地盤之子午而求，初昏之中星，則皆可以類推。惟仲春則鳥轉而南，龍轉而東，武轉而北，虎轉而西，為得其正位。仲夏則南，龍轉而東，武轉而北，虎轉而西，仲秋則武轉而南，鳥轉而東，龍轉而北，武轉而西，為有不同矣。夫蟲獸在地，有象在天，每七宿為一象，星家又有小象者，馬、角、木、蛟、亢、金、龍、氏、土、貉、房、日、鬼、心、月、兔、尾、火、虎、箕、水、豹，此為

東方蒼龍，奎、木、狼、婁、金、狗、胃、土、雉、昴、日、雞、畢、月、鳥、觜、火、猴、參、水、猿，此為西方白虎，此二獸首尾相向於南北。井、木、犴、鬼、金、羊、柳、土、獐、星、日、馬、張、月、鹿、翼、火、蛇、軫、水、蚓，此為南方朱鳥，斗、木、獬、牛、金、牛、女、土、蝠、虛、日、鼠、危、月、燕、室、火、猪、壁、水、獮，此為北方玄武，此二獸首尾相向於東西。星龍之度七十八，為壽星，大火、析木之次，當辰、卯、寅之辰，星武之度九十四，為星紀，玄枵、娵、訾之次，當丑、子、亥之辰，星虎之度八十一，為降婁，大梁、實沈之次，當戌、酉、申之辰，星鳥之度一百一十，為鶉首，鶉、火、鶉、尾之次，當未、午、巳之辰。爾雅註云：婁起角亢，列宿之長，故曰大火。

心也。在中最明。析木津梁也。南斗天漢之津梁。故曰析木。牽牛日月五星之所終始。故謂之星紀。玄枵虛也。枵之言耗也。虛在正北。北方色黑。故謂玄枵。些言口也。營室東壁星。四方似口。故名。降婁奎婁也。奎爲清瀆。故名。降大梁昴也。實沈傳曰。高辛氏有子季曰實沈。遷於大夏。主祀參。或因以爲名。歟。鶉首鶉火鶉尾。以形言。星經曰。南方朱鳥。謂之鶉者。鶉鳳也。青鳳謂之鶉。白鳳謂之鶉。紫鳳謂之鶉。鳳生於丹穴。又鳳之赤者。故南方之宿取象焉。北方玄武龜也。龍虎龜鳳爲四靈物。而分處四方。中宮勾陳六星。以應六氣。北極五星。以應五行。則又謂四獸之主焉。夫以二十八宿之經度。集而合之。則爲周天三百六十五度。四分度之一也。故曰天無體。二十八宿。卽天之體。葦象新書云。天體如圓瓜。其分十二次。猶瓜有十二瓣也。周圍三百六十五度。餘四之一。均爲十二分。則一瓣爲三十度。四十三分。七十五秘。其度輻輳於南北二極。則度之形。斂尖於瓜之兩端。而開廣於瓜之腰圍。此卽分經星之度爲十二次者也。蓋天之度。乃合星度而得之。天豈有體哉。虛齋曰。天只是積氣。其形巍然。其色蒼然者。皆臆說也。愚謂日月五星列宿。皆無體。乃精光懸於虛氣之中。東西旋轉。豈真有所謂外白。

之形而星辰綴之者耶。覆盆之說取其象也。其爲度也。各有距星如角之南星爲距。當日躔則有十二度。至亢之南第二星爲距。當日躔則九度也。至於斗二十五度并三十四度爲大濶。是豈星體有如是之廣狹耶。蓋以此星爲日躔之所值。而曆家用以紀其度。爾且角星之外非無星也。初度之外非無度也。但不與日躔相值。雖有度而無星以紀之也。蓋如今日日在角南星爲度。而明日則當無星之辰矣。積而至於十二日。又當亢之南第二星焉。故說渾天者曰。日之所躔。或多或少。適當其星者。凡二十有八。故度之多寡。於是生焉。學者察之。

步天歌總叙

堯命羲和。揭星爲星。火星。星虛。星昴之象也。以示人。使人知二分二至。以行四時。不幸而占候之說起。持吉凶以惑人。紛紛務爲妖妄。是以刑網禁之。臣謹按古候之學。起於春秋戰國。其時所謂精于其道者。梓慎。禘龜之徒。耳。後世之言天文者。不能及也。魯昭公十七年冬。有星孛於大辰。及西漢。禘龜言于子產。曰。宋衛陳鄭將同日火。若我。用瓘。竿。玉。瓚。鄭必不火。子產不與。明年五月壬午。四國皆火。禘龜曰。不用吾言。鄭又將火。鄭人請用之。子產復弗與。子大叔咎之曰。寶以保民。子何愛也。子產

曰天道遠人道邇焉知天道是亦多言矣豈不惑信卒
不與亦不復火昭公二十四年五月己未朔日有食之
梓慎曰將水昭子曰旱也日過分而陽又不克克必甚
是秋大旱如昭之言夫災旱易推之數也慎龜至精之
術也而成中或不後世之愚瞽若之何而談吉凶知昭
子之言則知陰陽消長之道可以理推之不可以象求
也知子產之言則知言而中者亦不可聽况乎不中者
乎臣之所作天文書正欲學者識垂象以授民時之意
以杜絕其妖妄之源焉聊舉二條以爲證臣舊作圖譜
志謂天下之大學術者十有六皆在圖譜無圖有書不
可用者天文是其一也而歷世天文徒有其書無其
之義故學者但識星名不可以仰觀雖有其書不如無
也隋有卅元子者隱者之流不知名氏作步天歌見者
可以觀象焉王希明纂漢晉志釋之唐書誤以爲王希
明也天文籍圖不著書然書經有傳不復訛謬縱有訛
謬亦易爲考證便成顛錯愈錯不復稽尋所以信圖難
故學者不復識星臣向嘗盡求其圖不得一日得步天
歌而誦之時素秋無月清天如水長誦一句疑月一星
不三四夜一天星斗盡存留中矣此本只在靈臺不傳
人間術家秘之名曰鬼科竅世有數本不勝其訛今則

中元北極紫微宮北極五星在其中帝星之座第二珠
第三之星度子第一號曰爲太子四爲后如五天樞左
爲四星是四輔天乙太乙當門路左樞右樞夾南門兩
面營衛一十五上宰少尉兩相對少宰上輔次少輔上
衛少衛次上丞後門東邊大贊府門西喚作一少丞以
次却向前門數陰德門裏兩鳥聚尚書以次其位五女
史柱史各一戶衛女四星五天柱大理兩星陰德邊勾
陳尾指北極顛勾陳六星六甲前天皇獨在勾陳裏五
帝內座後門是華蓋并扛十六星扛作柄象華蓋形蓋
上連連九個星名曰傳舍如連丁垣外左右各六珠右是

內階左天厨階前八星名八穀厨下五個天棊宿天床
六星左樞在內厨兩星右樞對文昌斗上半月形希疎
分明六個星文昌之下曰三師大尊直向三公明天牢
六星大尊邊太陽守在四勢前一個宰相太陽廟更有
三公相西邊偏即是玄戈一星員天理四星斗裏暗輔
星近著開陽畔北斗之宿七星明第一主宰名樞精第
二第三璇璣星第四名權第五衡開陽搖光六七星搖
光左三天搶紅

內有遺落字

上元天庭太微宮昭昭列象在蒼穹端門只是門之中左
右執法門西東門左皂衣一謁者以次即是爲三公三

黑九卿為背位五黑諸侯卿後行四個門西主內屏五
 帝內座於中正宰臣天子并從官鳥列帝後從東定即
 將虎賁居左右常陳即位居其後常陳七星不相謬即
 位陳東一十五兩面宮垣十星布左右執法是其數宮
 外明堂布政宮三個靈臺後雲雨少微四星西南隅長
 垣雙雙微西居北門西外接三台與垣相對無兵災
 下元一宮名天市兩扇垣墻二十二當面六個黑市樓門
 左兩星是車肆兩個宗正四宗人宗星一雙亦依吹帛
 度兩星唇肆前侯星還在帝王邊帝座一星常光明四
 黑微芒官者星以次兩星名列肆斗斛帝前依其次斗

是五星斛是四垣北九是貫索星索口橫者七公成天
 紀却似七公刑數者分明多兩星紀北三星名女牀此
 座還依織女旁三元之象無相侵二十八宿隨其陰水
 火土木并與金以次別有五行吟

角兩星南北正直看中有平道上天田總是黑星兩相連
 別有一鳥名進賢平道右畔獨淵然最上三星周鼎形
 角下天門左平星雙雙橫於庫樓上庫樓十星屈曲明
 樓中柱有十五星三三相聚如鼎形其中四星列名衡
 南門樓外兩星橫

亢四座却似彎弓狀大角一星直上明折威七子亢下橫

大角左右攝提星三三相聚如鼎形折威下左垣頑星
兩個斜安黃色精頑西二星號陽門色若垣頑且下存
氏四星似斗側量米天乳氏上黑一星世人不識稱無名
一個招搖梗河上梗河橫列三星狀帝席三黑河之西
亢池六星近攝提氏下衆星騎官出騎官之衆二十七
三三相聚十欠一陣車氏下騎官次騎官之下二騎位
天軸兩星立陣傍將軍陣裏鎮威霜
房四星直下主明堂鍵閉一黃斜向上鈎鈴兩個近其傍
罰有三星直建上兩成夾罰似房狀房下一星號
從官兩個日下出

心三星中央色最深下有積卒共十二三三相聚心下是
尾九星如鈎蒼龍尾下頭五黑號龜星尾上天江四橫是
尾東一個名傳說傳說東畔一魚子龜西一星是神宮
所以列在后紀中

箕四星形狀如簸箕箕下三星名木杵箕前一黑是糠枇
斗六星其狀似北斗魁上建星六相對天弁建上三三九
斗下員安十四星雖然名驚貫索形天鷄建背雙黑星
天籥柄前八黃精狗國四方鷄下生天淵十星驚東邊
更有兩狗斗魁前農丈人存斗下睥天淵十黃狗色玄
牛六星近在河岸頭頭上雖然有兩角腹下從來欠一脚

牛下九黑是天田田下三三九坎連牛上直建三河鼓
 鼓上三星號識女左旂右旂各九星河鼓兩岸左邊明
 更有四黃名天樛河鼓直下如連珠羅堰三鳥牛東居
 漸臺四星如口形輦道東足連五丁輦道漸臺江河許
 欲得見時近織女

女四星如箕主嫁娶十二國位在下陳先從越國在西論
 越東西周次二秦雍州南下雙鴈門伐國向西一晉伸
 韓魏各一堵北輪楚之一國魏西屯楚城南畔獨燕軍
 燕西一軍是齊鄰齊北二邑平原君欲知鄭在越下存
 十六黃星細區分五個離珠女上星敗瓜珠上瓠瓜生

兩個各五瓠瓜明天津九個彈弓形兩星入牛河中橫
 四個奚仲天津上七個仰側扶筐星

虛上下各一如連珠命祿危非虛上呈虛危之下哭泣星
 哭泣雙下天壘城天壘團圓十三星敗白四星城下橫
 白西三個離瑜明

危三星不直白先知危上五黑號人星人旁三四杵白形
 人上七鳥號車府府上天鈞九黃晶鈞上五鴉子造父
 危下四星號墳墓墓下四星斜虛梁十個天錢梁下橫
 墓旁兩星能蓋屋身著黑衣危下宿

室兩星上有離宮出透室三女有六星下頭六個雷電形

壘歷十次十二星十二兩頭大似井陣下分布羽林軍
四十五卒三爲群軍西四星多難論仔細歷歷看區分
三粒黃金名鉄鉞一個珍珠北落門門東八魁九個子
門西一宿天綱是雷旁兩黑土公吏騰蛇室上二十二
壁兩星下頭是霹靂霹靂五星橫著行雲雨次之日四方
壁上天廐十圓黃鉄鎖五星羽林旁土公雨黑壁下藏
奎腰細頭尖似破鞋一十六星透鞋生外屏七鳥奎下橫
星下七星天溷司司空左隣土之精奎上一星軍西門
河中六個閣道形階路一星道旁明五個吐花王良星
王良近上一策名

婁三星不勻近一頭左更右更烏夾婁天蒼六個婁下頭
天廐三星天倉脚婁下十一將軍候

胃三星鼎足河之次天廐胃下斜四星天因十三如乙形
河中八星名大陵陵北九個天船名陵中積尸一個星
積水船中一黑精

昴七星一聚實不少阿西月東各一星月下五黃天陰名
陰下六星葛藟營營中十六天苑形河裏六星名卷舌
舌中黑點天讒星礪石舌旁斜四下

畢恰似爪義八星出附耳畢股一星光天街兩星畢背旁
天節畢下八鳥幢畢上橫列六諸王下四皂天高星

節下圓圓九州城畢口斜對五車口車有二柱任縱橫
車口五個天潢精潢畔咸池三黑精天關一星車脚變
參旂九個參車間旂下直建九游連游下十三爲天園
九游天園參脚邊

觜三星相近作觜齒觜上坐旗直指天尊卑之位九相連
司惟曲立坐析邊四鳥大近井鉞前

參總有七星觜相侵兩肩雙足三爲心代有三星足裏深
玉井四星右足陰屏星兩扇井南襟軍井四星屏上吟
左足下四天厠臨厠下一物天尻沉

井入星橫列河中靜一星名鉞井邊安兩河各三南北正
天躔三星井上頭躔上橫列五諸侯侯上北河西積水
欲見積薪東畔是鉞下四星名水府水位東邊四星序
四瀆橫列南河裏南河下頭是軍市軍市團圓十二星
中有一個野鷄精孫子夾人市下列各立兩星從東說
闕丘兩星南河東丘下一狼光蓬茸左邊九個弧矢弓
一矢擬射頑狼胸有個老人南極中春秋出來壽無窮
鬼四星册方似木櫃中央白者積尸氣鬼上四星是權位
天狗七星鬼下是外厨六間柳星次天社六個弧東倚
社東一星是天紀

柳八星頭曲垂似柳近上三星號爲酒宴享之醜五星守

星七星如鈎柳下生星上十七軒轅形軒轅東頭西內平
平下三個名天相相下稷星橫五靈

張六星似軫在星旁張下只是有天廟十口之星册四傍
長垣少微雖向上星數倚在太微傍太尊一星直上黃
翼二十二星大難識上五十五橫著行中心六個恰似張
更有六星在何處三三相連張畔附必若不能分處所
更請向前看取野五個黑星翼下頭欲知名字是東甌
軫四星似張翼相近中央一個長沙子右轉左轄附兩星
軍門兩黃近翼是門下四個土司空門東七鳥青丘子
青丘之名器府器府之星三十二以上便是太微宮黃
道向上看取是

觀象賦

垂萬象乎列星仰肆覽乎中極一人爲首四輔爲翼鈎
陳分司內坐齊飭華蓋於是乎臨映大帝於是乎游息
尚書恣謀以納言柱史記私而奏職女史貽彤管之訓
御宮揚翠娥之色陰陽周給乎其隅大理詳讞乎其側
天柱司晦朔之序六甲候陰陽之域其文煥矣其功茂
哉環侍衛以曲列儼闔闔而洞開北斗標連車之象移
節度而齊七政文昌制戴筐之位羅將相而枕三台闕
天牀於王闕乃宴休之攸御肅天理乎璇璣執權衡而

是與天搶天楛以相指內厨內階而分據雙三夾斗而
變諧兩乙賓門而助佐再乃天牢崇固設禁暴之隄防
大尊明位擬聖公之寵章大陽陪相以班迹玄戈軼杓
而曜芒勢微微而寫映明翼翼以流光薦秋成於八
穀務春采於扶筐天厨敞芳供百牢傳舍開芳通四方
備天宮之繁縟蓋人事之儀蠲七宿畫野以分區五宮
建都而炳燭紫既已歷乎中宮迺旋眸而自東曙角亢
於南道詢分野於榮中開天門之燿燦立疏廟之崇隆
何大角之皎皎夾攝提之融融是據紀於變節是正綱
於大同次則梗河預備招搖候敵况舟亢池飛觸帝度

周鼎繁祉天田豐藉披三條之平道冥萬國於天門置
平星以决虞列騎官而衛闈陽門守於邊險折威防於
將奔頃頊司於五聽車騎參於八屯望南門之峻閼觀
庫樓之威府偃蹇列於四衡的皦分於五柱或藏兵而
蓄銳或重扃而禦侮煥蒼龍之中宿屬氏心以及房聽
朝路寢布政明堂爰理其地于宋之疆粵若大火赫矣
天王鈞鈐儼於鳳闕積卒穆於龍驤天輻備於輿輦鍵
閉守於闕梁騎陣驚將軍之位從官主巫醫之職罰作
贖彤日爲陽德二成防非而體政七八公議賢而糾慝陣
車雷擊乎其南天乳露滋乎其北彼貫索之爲狀實幽

圖之取則歷龍尾以及箕跨北燕而在茲配四妃而有
 序均九子以延慈龜曳甲而波泳魚迴鱗而水嬉天江
 為太陰之主傳說奉中闈之祠糠為簸揚之物杵資舂
 臼之用天鑰司其開閉丈人時其播種狗以吠守奸回
 匪縱却睇女床前臨天紀耀棘庭之金印燦椒房之玉
 齒東房七宿中有崇垣厥名天市車賜中衢以連屬市樓臨
 箕而鬱起帝座穎而獨尊侯臣熙而燮理宗星派疎而
 遠集宦者刑餘而近侍列肆與屠肆分行宗正與宗人
 同時帛度立象以量用辛斛裁形而取擬天市垣迺若眺
 北宮之玄武泊南斗與辛牛賦象擬犧廟之類司垣蒞

淮江之州建星合睽於黃道天淵委輸於南海徇國分
 疆於北幽雞揚音而顧侶驚漾影以來游天田連于北
 坎羅堰迫于天桴是司溝洫是司田疇遽引睇於漢陽
 乃悠窺於織女張寶疏困操絲弄杼輦道清塵而侯駕
 漸臺飛灰而侯呂覘須女之繒室奄開邦於會稽離珠
 耀玲於藏府瓠瓜薦果於宸闈離瑜佩瓊而祛服敗瓜
 委蔓以分畦其外則鄭越開國燕趙連境韓魏接壤齊
 晉藩屏周楚列曜晉代分炳天津橫漢以摛光奚仲臨
 洋而汎影既編梁而虹構亦裁輪而電警天弁寫映於
 清流河鼓進軍以嘈噴雨旗夾道以飛浮列女乘危於齊

濟職悲哀於宋廣墳墓寓狀以狐出司危與司非豐耀
伺禍福之多端總興亡之窈妙人掌詔以優游儼爲人
之質狀鈎主震而屈曲宛如鈎而取象車府息雷較之
音造父曳鸞鳳之響哭泣吞聲以相召敗曰察災以播
暉天壘守夷而駢照司命與司祿睽彩杵軍給以標正
曰年豐而示仰土吏設備以司存斧鉞用誅之所掌虛
梁闐寂以幽閤蓋屋喧轟而燕賞天錢納費以山積天
綱憇輿而野饗非落置侯兵之門八魁建張禽之網瞻
虛府於室壁諒有衛之封畿布離官之皎皎散雲雨之
霏霏霹靂交震雷電橫飛壘壁駕陣而齊影羽林分營
而折輝土功司築而開務天廡分馭而起機騰蛇蛇而
成質水虫總而攸歸動則飛翹於雲外正則盤索於漢
泝北方睹奎婁之分野辨鄒魯之川陸養馴獸於園囿
類封豕於郊瀆左更處東而掌慮右更居西而司牧立
困蒼之儲聚樹溷屏之重複司空生土以知祥鈇鉞營
薦而蕃蓄軍南門列轅而出衆天將軍揚旂而示逐惟
王良之策馬知車騎之滿野家居河而路塞策載鞭而
電瀉閣道貯游而據中附路備關而居下循胃婁及昴
畢直趙地之郊衢昴髦頭而肅引畢罕車以迅驅卷舌
列天讒之表附耳屬天高之隅天高望氣天讒備巫卷

舌安其寂默附耳聆其諂諛天船泛影乎清瀨大陵分
 光於碧虛貯積水而窺害包積尸於壘藹礪石資夫銘
 及月宿歸夫太陰天銜畫於戎野天阿察於山林天節
 宣威於卯域天陰進謀於腹心天庾積粟而標稔天廩
 備稷以祈歆天園曲列兮儲芳天苑圓開兮畜禽芻藁
 遵納稽之軌殊口曉重譯之音九旂排鋒以進退軍井
 依營而淺深天關嚴扃于畢野諸王列藩於漢海何五
 車之均明而三柱之昭煥納五兵而藏府圖九貢之邦
 貫天潢利涉以淪漣咸池浮津以渺漫關岷峨之列壤
 晞霜參之耀形示斬艾以明伐冰襲旅而獲寧參旂幟

於邊寇王井通予水經坐旗肅穆而昭禮司怪幽求以

發其屏嫌於客厠咎於圓亦有天屎緇黃效靈西方於

是仰東井之輿鬼覽西秦之伯色質明祠而變生錢涿

水而刑反四瀆斷江淮之侯兩河占胡越之急水位瀉

流而迅奔天罇奠羞而回集軍市通貨而圓綴五侯疑

議而衡立積水醞鸞酌之方積薪貯牲庖之給野鷄候

兵而據市天狗吠狼而映漣關丘據乎兩觀水府司乎

百川狼援戈而野戰弧屬矢以亘天老人祚主以秋照

夫人還神而夜懸子扶尊而渺邈孫胤緒以綿延維天

杜之著矣實句龍之在焉賦柳星而及張識周禮之爰

啓儼昧頓以分噤奉繡裳而賜醴觀夫軒轅之宮宛若
 騰蛇之體交雷雨之靈靈列后妃之濟濟悅階之六符
 瑞泰平而聯燭酒旗集燕以承歡內屏繩愆而執禮燿
 合烽而謀寇寔防邊而有侯長垣崇司城之備少微尊
 處士之懿外厨調別膳之滋天相居大丞之位天紀錄
 禽而獸齒天廟嚴祠而毓粹天稷播五稼之勤東甌表
 三夷之類爰同翼軫厥土維荆驅風驛之十乘奏雲門
 之六英長沙明而獻壽車轄而陳兵青丘蔭於韓豹
 器府總於瑟笙軍門坐夾於軍闕司空掌土以司平南
 宿曠鶉火之崢嶸啓端門之赫奕何宮庭之弘厥類乾

坤之閣闕四座皆一帝之臣九卿踵三公之迹陪以儲

貳參以幸臣從官肅侍謁者通賓即將立戟於丹陛即
 位含香於紫宸議淵謀於五位驚嚴衛於常陳仍寄屏
 於持法控端門之內闈明堂演化靈臺候神虎賁之徽

猛士進賢之訪幽人大微垣

胡天漢之昭回自東震而綿絡北貫箕而照斗南經說
 而纏籥合乘津而泛瓠分標杵而浮閣歷五潢而浩漾

淪七星而回薄天漢維木宿之含精羗歲星之毓麗雖羸

縮所察禍福攸係然夫得之者隆失之者替祚明君而
 耀朗罰昏主而光翳下爲靈社上儀人帝如妖胎而毀

郊且戢仁而施惠回鶯爲愆期前期舛契奮搶陪而示慝
時垣讒而表戾歲星粵若熒惑火帝之精每執法以明罰

必伺災而告誠守其邦而歲戰去其野而時清若崇奢

而曠禮則下乘而上征居惟釁發合與憂并浮天慘而

聳劔列蚩尤而耀旌司尾見而失國昭明出而起兵熒惑

伊土位之播靈有鎮星之耀質尋所履爲休慶視所居

爲禎吉廣邦徵而斯留祐軒宮而載出若虧信而賊義

則行愆而度失或含冊而舉兵或擒玄而構疾旬始發

而災起獄漢明而主黠星彼金方之耀色有大白之垂

文乃降神於屏星實建象於將軍如用兵之不察匪先

達之攸聞高出利於深戰順著指於寵勲苟恩徽之不

溥則禍變之司分或飛芒而食月或變彗以橫氛六賊

陳災而結禍天狗殺將而破軍大諮大陰之粹靈粵辰

星之攸欽乘四仲而晦顯歷一周而視履爲用罰之淵

模爲出師之合軌察出劔而相去候征旗之所指非其

出而憂寒錯其宜而將死若濫刑而縱慾則委孛而滾

矢白其角而延哀黑其規而應水辰星若夫究經緯之終

始考幽秘之機符昭晰兮爲人主之明鏡香藹兮實真

祇之秘樞同聲聞而響彙亦形移而影趨若岩穴之旌

處士如谷風之應騶虞者也爾乃退寒暑而弗愆中昏

旦而無越畢路雲滋實似發亦有樞降軒而繞電景
瑞堯而麗月雖吟蠶之難尋信莫靈之未歇喜大舜之
登禪耀黃帝而摩鋒壯高祖之叙歷感五緒之相從殷
旭縱眺識曹公之潛迹李卻流目知漢使之幽蹤荆軻
入秦白虹貫日衛生設策長庚食昴悲乎星隕如雨而
周替彗長竟天而秦滅地隋楚而九域吁嗟狗過梁而
千里流血晉君終而嫪妖見漢帝圍而參暈結周楚死
而南衡晉齊殃而北列自大辰而及漢彰宋焚而衛焚
或除舊以布新顯陳盛而姜絕諒吉凶之有以匪災謹
之虛設實罔念以作狂在恭已而成哲是以帝王之有

天下也莫不選設其官職司其吉唐則義和典察夏則
昆吾衍與或著殷巫之美或登周史之號宋述子書鄭
稱稗竈唐昧將尹臯宣範甘德與石申垂誥故能下守
職而有恭上聞變而無傲此希微之妙術豈蒙昧之異
好有少微之養寂無進賢之見譽參府器之樂肆犯貫
索之刑書耻附耳之未達方卷舌以安居且墮扉而絕
駟豈臨淵而羨魚望天門而屏蹠安知公卿之所如
史記中宮天極星其一明者太乙常居也旁三星三公
或曰子屬後旬四星末大星正妃餘二星後宮之屬也
環之匡衛十二星藩臣皆曰紫宮前列直斗口二星隨

北端允若見若不見曰陰德或曰天乙紫宮左三星曰天槍右五星曰天槍後六星絕漢抵營室曰閣道北斗七星所謂璇璣玉衡以齊七政杓攜龍角衡殷南斗魁枕參首用昏建者杓杓自華以西南夜半建者衡衡殷中州河濟之間平旦建者魁魁河岱以東北也斗爲帝車運于中央臨制四卿分陰陽建四時均五行移節度定諸紀皆繫于斗斗魁戴匡六星曰又昌宮一曰上將二曰次將三曰貴相四曰司命五曰司中六曰司祿在斗魁中貴人之宰魁下六星兩兩相比者名曰三能三能色齊君臣和不齊爲幸戾輔星明近輔臣親疆斥小疏弱杓端有兩星一內爲矛招搖一外爲盾天鋒有句圜十五星屬杓曰賤人之宰其牢中星實則囚多虛則開出天一槍指矛盾動控角大兵起

東宮蒼龍房心心爲明堂大星天王前後星子屬不欲直直則天王失計房爲府曰天駟其陰右駮旁有兩星曰衿北一星曰牽東北曲十二星曰旗旗中四星曰天市中六星曰市樓市中星衆者實其虛則耗房南衆星曰旗官左角李右角將大角者天王帝廷其兩旁各有三星鼎足勾之曰攝提攝提者直斗杓所指以建時節故曰攝提格亢爲疏廟主疾其南北兩大星曰南門氏

爲天根主疫尾爲九子曰君臣斥絕不和箕爲敖客曰口舌火犯守角則有戰房心王者惡之也

南宮朱鳥權衡太微三光之廷匡衛十二星藩臣西將東相南四星執法中端門門左右掖門內六星諸侯其內五星五帝座後聚一十五星蔚然曰卽位傍一大星將位也月五星順八軌道司其出所守天子所誅也其逆入若不軌道以所犯命之中座成形皆辟下從謀也金火尤甚廷藩西有隋星五曰少微士大夫權軒轅軒轅卅龍體前六星女主象旁小星御者後宮屬月五星守犯者如衡占東弁爲水事其西曲星曰鉞鉞北北河南南河兩河天關間爲關梁輿鬼鬼祠事中白者爲質火守南北河兵起穀不登故德成衡觀成潢傷成鉞禍成井誅成質柳爲鳥注主木草七頸爲貞官主急事張素爲厨主觴客翼爲羽翮主遠客軫爲車主風其傍有一小星曰長沙星星不欲明明與四星等若五星入軫星中兵大起軫南衆星曰天庫樓庫有五車車星角若益衆及不具無處車馬

西宮咸池曰天五潢五潢五帝車舍火入旱金兵水水中有三柱柱不具兵起奎曰封豕爲溝瀆婁爲聚衆胃爲天倉其南衆星曰膺積帛曰髦頭胡星也爲白衣會

畢曰罕車爲邊兵主弋獵其大星傍小星爲附耳附耳
搖動有譏亂臣在側昴畢間爲天街其陰陰國陽陽國
參爲白虎三星直者是爲衡石下有三星兌曰罰爲斬
文事其外四星左右肩膀也小三星隅置曰觜觶爲虎
首主葆旅事南有四星曰天厠厠下一星曰天矢矢黃
則吉青白黑凶其西有句曲九星三五處羅一曰天旗二
曰天苑三曰九旂其東有大星曰狼狼角變色多盜賊
下有四星曰弧直狼狼比地有大星曰南極老人老人
見治安不見兵起常以秋分時候之于南郊附耳入畢
中兵起

北宮玄武虛危危爲蓋屋虛爲哭泣之事其南有衆星
曰羽林天軍軍西爲壘或曰鉞旁有一大星爲北落北
落若微芒軍星動角益希及五星犯北落入軍軍起火
金水尤甚火軍憂水患木土軍吉危東六星兩兩相比
曰司空營室爲清廟曰離宮閣道漢中四星曰天駟旁
一星曰王良王良策馬車騎滿野旁有八星絕漢曰天
潢天潢旁江星江星動人涉水杵四星在危南瓠瓜有
青黑星守之魚鹽貴南斗爲廟其北建星建星者旗也
牽牛爲犧牲其北河鼓河鼓大星上將左右將婺女其
北織女織女天女孫也

太史公曰自初生民以來世主曷嘗不曆日月星辰及至五家三代紹而明之內冠帶外夷狄分中國爲十有二州仰則觀象於天俯則法顛於地天則有日月地則有陰陽天有五星地有五行天則有列宿地則有州域三光者陰陽之精氣本在地而聖人統理之幽厲以往尚矣所見天變皆國殊窟穴家占物恠以合時應其文圖籍機祥不法是以孔子論六經紀異說而不書至天道命不傳傳其人不待告非其人雖言不著昔之傳天數者高辛之前重黎於唐虞羲和有夏昆殷商巫咸周至史佚長弘於宋子韋鄭則禪龜在齊甘公楚唐昧趙尹臯魏石申夫天運三十歲一小變百年中變五百載大變三變而一紀三紀而大備此其大數也爲國者必貴三五上下各千歲然後天人之際續備太史公推古天變未有可考于今者蓋略以春秋二百四十二年之間日蝕三十六彗星三見宋襄公時星隕如雨天子微諸侯力政五伯代興更爲主命自是之後衆暴寡大并小秦楚吳越夷狄也爲疆伯田氏篡齊三家分晉並爲戰國爭於攻取兵革更起地邑數屠因以饑饉疾疫焦苦臣主共憂患其察機祥候星氣尤急近世十二諸侯七國相王言從衡繼踵而臯其石因時務論其書傳故

其占驗凌雜米鹽二十八舍主十二州丰兼兼之所從來久矣秦之疆也候在太白占於狼張吳楚之疆候在熒惑占於鳥衡燕齊之疆候在辰星占於危虛宋鄭之疆候在歲星占於房心晉之疆亦候在辰星占於參罰及秦并吞三晉燕代自河出以南者中國中國於四海內則在東南爲陽陽則日歲星熒惑填星占於街南畢主之其西北則胡僞月氏諸衣旃裘引弓之民爲陰陰則月太白辰星占於街北嘉主之故中國山川東北流其維首在隴蜀尾沒于勃調是以秦晉好用兵復占太白太白主中國而胡俗數侵掠獨占辰星出入蹶疾常主夷狄其大經也此更爲客主人熒惑爲客外則理兵內則理政故曰雖有明天子必視熒惑所在諸侯更疆時節異記無可錄者秦始皇之時十五年彗星四見又者八十日長或竟天其後秦遂以兵滅六王并中國外攘四夷死人如亂麻因以張楚起三十年之間兵相駘藉不可勝數自蚩尤以來未嘗若斯也項羽救鉅鹿柱天西流山東遂合從諸侯西坑秦人誅屠咸陽漢之興五星聚於東井平城之圍月暈參畢七重諸呂作亂日蝕晝晦吳楚七國叛彗星數丈天狗過梁野及兵起遂伏尸流血其下元光元狩蚩尤之旗再見長則半天其

後京師師四出，誅夷狄者數十年，而伐胡尤甚。越之亡，熒惑守斗，朝鮮之拔，星茀于河，戒兵征大宛，星茀招搖。此其犖犖大者。若至委曲小變，不可勝道。由是觀之，未有不先形見而應隨之者也。夫自漢之爲天數者，星則唐都氣則王朔占歲則魏鮮，故甘石歷五星法，唯獨熒惑有反逆行，逆行所守及他星逆行，日月薄蝕皆以爲占。余觀史記者，行事百年之中，五星無出而不及逆行。嘗盛大而變也，日月薄蝕，行南北有時，此其大度也。故紫宮房心權衡咸池虛危列宿部星，此天之五官坐位也。爲經不移，徙大小有差，闕狹有常，水火金木鎮星，此五星者，天之五佐，爲經緯。見伏有時，所過行羸縮有度。日變脩德，月變省刑，星變結和。凡天變過度，乃占國君。疆大有德者昌，弱小飾詐者亡。太上脩德，其次脩政，其次脩教，其次脩禳，正下無之。夫常星之變，希見而三光之占，亟用。日月暈適雲風，此天之客氣，其發見亦有大運。然其與俯仰最近，大人之符。此五者，天之感動爲天數者，必通三五終始古今，深觀時變，察其精粗，則天官備矣。

夫天文七曜三垣二十八宿爲大，聖人觀天文以時變，觀此也。此其有垣之象也。雲雨震電風雪霜露，類皆天

象而非其恒也。彗孛虹珥之類其怪也。夫日大明陽之精光，君象也。月陰明之精光，后象也。上有失德，則適見于天而薄食。日食，陽不勝陰也。月食，陰不讓陽也。先王謹天戒，莫敢于日食矣。春秋二百四十二年而日食三十六日，官失之也。史官失之也。日輪大，月較小，日道近天，在上，月道近人，在下，故日食既時，四面有光溢出也。水火金木土，即人間日用五府之精光也。水行最速，一瀉千里，金行於世，其流如泉。火三月而改，木一歲而彫，土博厚不遷，故金水附日，歲一週，天火二歲，木十二歲，土二十八歲，一週，天土亦名填瀆，如鎮以填，靜為體，瀆

如田以填，塞為用也。木星八十二年而與日合者七十，六火七十九年而與日合者三十七，土五十九年而與日合者五十七，金水雖隨日，然金八年而合於日者五，水四十六年而合於日者一百四十五，三日天市，明堂位也。曰太微，朝廷位也。曰紫微，宮寢位也。明堂位者，天子巡狩之居也。朝廷位者，聽政之居也。宮寢位者，燕息之居也。天市，歲臨之。太微，日臨之。紫微，朝夕在焉。七曜必遵黃道，歷天衛，歲一受事，太微而出，猶大臣受天子之命於朝，以行其職也。二十八宿，分列四方，各守其野，率諸經星，以共紫微之帝，猶郡國百司，各治其職，安其

民人以承天子也。二十八宿者，蒼龍、白虎、玄武、朱雀各七宿也。角主發育萬物，亢曰疏廟，氏爲天根，房天子之後寢，鍵閉鈎鈐兩咸以防淫而謹內也。心天子象，言天地之心，人之主也。尾主后妃，叙御於所主，箕成帝，又揚穀之器，尾而受之以箕，示婦道也。五星聚箕尾而有天寶之亂，亂自色荒也。斗主薦賢受祿，斗爲器量，所以斟酌也。民事莫重於耕織，故牛女相聯，牛農丈人，耕具驪珠，女獻工也。天田九星象井田，狗天鷄，教樹畜也。羅堰九坎，天淵，言農桑者先水利也。北陰也，故虛與危主死喪危禍事，室以農畢而見，故主營建宮室事。嘉靖甲申，五星聚營室矣。壁圖書之秘府，奎天子武庫，婁主畜牧犧牲以供祀事，自室以至於婁，天子之宮館，範圍在焉。胃儲藏五穀之府，昴主刑獄，又名旄頭，占胡人順逆，畢主邊兵，昴畢之間有天街，分華夷也。參中三星，中軍其中大將，旁參謀也。二肩左右將軍，二足前後將軍，觜行軍之藏府，井主泉水，主衡法令，平中之事物之平者莫如水，故營國制城畫堦分州，皆取象焉。鬼主內外祀祠事，柳主草木，又爲天厨，主饗燕事，星爲文明之會，主衣裳文繡，張主珍寶宗廟服用，翼天子之樂府也。軫主車騎任載，又星搖星墮大異也。凌犯守留，芒角掩各以類。

占之者乃日之行道周天如錯環月亦然兩環兩交一謂之天首一謂之天尾天尾爲計天首爲羅月行遲速有常度最遲處卽孛也故謂之月孛孛六十二年而七周天无生於閏二十八年十閏而无行一周天无孛孛皆有度數無光象故與羅計同謂之四餘并七政爲十一也

星官之書有曰三垣者也有曰七政者也有曰二十八宿者也有曰衆星者也有曰天市者明堂之位也其曰太微者朝廷之位也其曰紫微者宮室之位也七政者日月五星是也天子之出以巡狩而有二十八宿者

四方諸國之位也天子之出巡狩而有常居明堂之位是也天子之處燕息而有常居紫微之位是也天子之以聽治而有常居太微之位是也故天市太微之垣有曰帝座而不曰帝者天市帝歲一臨之也太微帝日臨之也而紫微者帝朝夕在焉故稱帝日月五星必遵黃道歷天街歲一受於太微而後出猶大臣必稟天子之命於朝以行其職業也二十八宿分列四方各守其野率諸經星以共紫微之帝猶郡國百司各治其職統其民人以承天子者也由是言之紫微帝可謂尊矣其勾陳中一點又曰天皇帝釋之者謂其主御群靈執萬神

圖夫一宮豈容二帝哉蓋紫微用事之帝也天皇帝主
宰之帝也噫作星野也者其知道乎

象緯總論

天地之初一氣混合而象形成具既而轉運於外者漸
輕清爲天其象日月星辰凝聚於中者漸重濁爲地其
形水火土石則是天包地外旋繞不停地處天中安靜
不動如虛毬中之有殼如鷄卵中之有黃如碩莖中之
有核雖相去八萬四千里上屬陽位下屬陰位固自相
依附者也然天傾倚於北如勁風旋繞其樞不動曰極
上頂不動處謂之北極高出地上三十六度其星辰常

見下臍不動謂之南極低入地下三十六度其星辰常
隱且天體至圓周圍三百六十五度四分度之一而天
隨其樞繞地左旋一晝夜一周而過一度蓋一呼一吸
間而行八千餘里何健如之日徑千里一晝夜恰二周
比天不及一度積三百六十五日有奇而與天會月受
日光亦右行一晝夜不及天十三度十九分度之七積
二十九日有奇而與日會通一歲計之日與天會而多
五日三時不滿爲氣盈月與日會而少五日七時有奇
爲朔虛合一歲氣盈朔虛共十一日十一時有奇將及
三歲積之三十日置一閏五歲再閏十有九歲七閏則

氣朔分齊是爲一章其謂四分度之一者舉同天三百六十五度之全數而四分之得四個九十一度外零一度即四分度之一也至謂四分日之一者舉周歲三百六十五日全日而四分之春得九十一日夏秋冬亦然外零一日二十五刻乃日與天會是成一歲即四分日之一也若夫上年冬至至下年冬至天度一周之時三百六十五日四分日之一而有餘日道一周之時三百六十五日四分日之一而不足天度有餘日道不足故六十餘年之後冬至所值天度率差一度是謂歲差則曆數之推不可苟焉者是以日行疾於月而退度不及

天一度反若遲然月行遲於日而退度不及天十三度十九分度之七反若速然曆家以退度易筭而以爲右行捷法耳大率二十八宿日之所經謂黃道橫絡天腹中分二極者爲赤道日者陽之父日有中道者四季屬土之月是爲黃道之正當依行黃道中也月者陰之母月有九行者有赤白黑之道各一而以時出黃道之東西南北也是故月之光即日之光其朔後初生明時昏見於庚下明上暗象震上弦時昏見於丁下明已多而上猶暗象兌望之時昏見於甲全體皆明象乾望後初生魄時昏見於辛下暗上明象巽下弦時昏見於丙下

暗已多而上猶明象良晦之時晨見於乙全體皆暗象
 坤固萬古不易者若論日月之交其理尤明蓋日月五
 星之與天體相值也由南直北而縱分之謂之度由東
 至西而橫截之謂之道月之行也二十九日半有奇而
 與日同度是謂朔十四日有奇而與日對度是謂望合
 朔之時縱雖同度橫不同道若橫亦同道則月掩日而
 日爲之蝕對望之時縱雖對度橫不同道則月亢日而
 月爲之蝕其食之分數由同道對道之多寡也故曰日
 有晦朔月有弦望何也日與月於三十日方會則月光
 都盡爲晦初一日已會則月光復蘇十五日月相對則

月光正滿爲望朔望中一日月半見名上弦望晦中一
 日月半消名下弦固也又謂日盈而月縮則後中而朔
 月盈而日縮則先中而朔舒前速後近一遠三爲弦相
 與爲衡分天之中爲望以速反舒光盡體伏爲晦要亦
 此理又可易乎星從日生有經有緯以緯星言之歲星
 木旺柔且十二歲一周天主司人君之過主五穀歲星
 所在其國有福熒惑火性激烈二歲一周天若犯天田

鎮星土性重厚二十八歲一周天主女象又名天
 子之星天子失信鎮星太動所居之次殊久其國德厚
 太白金性堅剛一歲一周天主司兵辰星水性平淡一

歲一周天主刑法一時不出一時不和四時不出天下
大饑此皆違天而右行者以經星言之東宮蒼龍角木
蛟二星爲天關其間天門其內天庭龍左角爲天田主
刑在角爲將主兵星明大主王道赤亢金龍四星爲疏
廟主疾疫總攝天下奏事聽訟錄功氏土貉四星王者
宿宮前一星嫡後二星妾亦天根也見而水涸房日兔
爲明堂爲天衢七曜田其中則天下和平亦爲天駟天
馬主車駕心月狐三星中天子位主賞罰前星爲太子
後星爲庶子歲星守心年谷豐登尾火虎九星其一后
次夫人次嬪妾傍一星曰神宮蒼龍之尾爲九子色均

明後宮有序多子孫箕水豹四星爲後宮爲敖客主口
舌亦曰天津主入風西三呂咸池奎木狼十六星天之武
庫一曰天豕主兵禁暴又主溝瀆婁金狗三星爲天獄
主苑囿犧牲供給郊祀太享多子孫明則天下和平曰
在婁大臣憂胃土雉三星爲天厨天倉五穀之府動關
轉運明係和平昴日鷄七星天之耳主西方獄又爲毛
頭胡星明則獄平畢月鳥八星爲邊兵主弋獵遠兵黃
道所經天子出旄頭罕畢以先驅紫角火猴三星爲虎首
爲行軍藏府明則軍儲盈將勢得參水猿十星主斬伐
又爲權衡主邊城參十星白虎之體中三星三將下三

星天都尉主胡鮮甲戎狄之國不欲明外四星左右肩
 股也南宮朱雀井木犴八星天之亭候主水衡事用法
 平井星明鬼金羊五星天之目主察奸謀明則五穀成
 暗則死亡柳土獬八星天厨宰主尚食又主雷雨草木
 星日馬七星名天都主衣裳文繡張月鹿六星主珍寶
 賞賚觴客明則王道昌翼大蛇二十二星天之樂府能
 優明則苑樂興動則四夷使來離徙則天子舉兵軫水
 蚓主車騎載任主家宰輔臣北宮玄武斗木獬南斗六
 星為天廟壽期又丞相太宰位主褒賞進賢稟受爵祿
 又主兵斗星盛明王道和平金牛六星天之關梁主

犧牲太白犯牽牛將軍凶女土蝠婺女四星主布帛裁
 製嫁娶曰女湏者賤妾之稱虛日鼠二星主北方邑居
 廟堂祭祀祈禱又主哭泣又冢宰之官危月燕三星主
 天府天市架屋亦耗神室火猪八星營室二星天子之
 宮又有軍糧之府及土功事星明國昌一曰玄宮二曰
 廣廟壁水偷二星主文章天下圖書之秘府星明王者
 有道國多君子此順天而左旋者中宮天極五星勾
 陳六星皆在紫宮中最尊者二台六星三公之位為天
 階為泰階文昌六星天之六符主集計天道尚書五星
 為天喉舌斟酌元氣運平四時少微四星在太微士大

夫之位又處士博士明大而廣賢才舉即官十五星在
 帝座東北傳說一星在箕尾後主章祀五官若論文星
 則有東壁二星主天下文章圖書之府五星聚奎文明
 之象柱下史一星主記過六甲星配節候布政教華蓋
 上九星華蓋下九星扛蓋之柄所以覆帝座織女三星
 天孫也主果蓏絲帛珍寶嫁娶若論五星則有天將軍
 十二星主武即將一星為武備騎官二十七星主宿位
 虎賁一星為騎士羽林四十五星為天軍壘壁十二星
 為三軍位參旗九星主司努弓九游星天子旗左旗右
 旗九星天鼓也天槍二星天子武備弧九星主備盜賊

天棓五星天子先驅招搖一星明而歪胡不受命天鹿
 一星主馬王良主津梁若論月

主為農桑丈人一

星牽牛六星黎曲九星天田九星水府四星羅堰九星
 四瀆四星斗五星內杵臼七星天江四星天船九星天
 錢十星天籥八星天市垣二十二星人五星老人一星
 曰南極天乳一星曰滓景星天社六星天稷五星天廟
 十五星各有所主者大抵五緯二十八宿共為天體一
 有差舛則在天為舛早在人為殃咎在國為興亡人能
 脩德以禳之則庶乎獲免不然積毫芒而成尋丈可不
 畏哉是故彗星之變其形長丈有五色蚩尤為旗之變


類彗後曲黃上白下天狗墮地之變狀如火聲如雷太白晝見午上爲經天與日爭明爲亂紀蓋太白主兵熒惑主內亂月主刑其變有三杜矢聚崇流星附耳天讒槐擔梧彗狼角貫索歸邪其變非一而赦星則長三丈餘出北斗魁南抵軒轅而滅蓋赦幸小人亦同變類苟非脩德何以禳之且洪範庶徵係於君上者固不待言若嚴子陵一足而動客星之占陳仲弓一會而應德星之聚宿騎箕尾而傳說生星隕中營而孔明死則吉火君子未嘗不與天象相關也傳曰夜有星無雲而天肅者謂天泣其故何也蓋不忍君子小人之倒置而痛蒼

生之罹其禍也天象豈虛設是以吉人君子知己身與天象相關而又書察人事夜觀天象必欲入告於君初與競競業秦而爲之所也不然天之垂象何爲者也而吉人君子徒與天象相關也知此者真可戴天可履地可依日月之光可摘星宿之文可通變化而行鬼神正綱常而興禮樂稱之曰吉人君子無媿矣

吳天渾元圖雖古有此圓象嘗求之莫可覩也近傳之胡洛巴國須合二圖始見其全始西瓜中只一蒂分作四瓣每瓣各分作九行總之四九三十六乃三百六十六餘度之象然必從而四之者因一圖難見其全故分之


昊天渾元圖

多已乃自



爲二如堯典以四仲分作四時便觀察故耳高下度數亦然且地象亦依天象分布列國則夷夏中方遠近即天度可知其在亦一義也故併存之

天度黃道赤道晝夜長短圖



九天說符

天一也。胡爲有九天之說哉。子自幼聞之。莫識其指意。其荒唐而莫之信也。矧五星二曜合璧連珠。會歸一處。亦不免有層疊之疑。及博覽諸載。藉有云日上而月下者。乃知日之高于月也。惟其有高下之位。故晝夜往來。同度同道。或至薄食。不相妨碍。又有云日小於月者。豈日月之象。有小大殊哉。蓋人在日月之下。自下觀上。乃知日以高而小。月以低而大。是以高下分作兩層。故謂日月各一天也。否則二曜之象。亦甚短矣。設非高下各途。則當其同度同道。寧無室塞之虞哉。前十餘載。傳聞

有番僧航海入中國者盤詰身中止懷昊天圖像一幅
畫天爲九瓣天在最上一瓣次三垣二十八宿所繫次
填星次歲星次熒惑次日輪次太白次辰星次月由上
而下各分作一瓣而雨風露雷山川海嶽人與庶物皆
在最下一瓣且云五星二曜其象小大各異辰星在第七
瓣其象之大于月者且數倍焉特自人視之辰星爲
最微也初亦不解其義近接瞿大素謂魯游廣南觀一
僧自稱胡洛巴人最精曆數行大海中惟觀其日軌不
特知時知方且知距東西南北遠近幾何因携其所製
銅儀大不盈尺中分九層機可轉旋予細玩而繹之與

九瓣圖義稍相似乃知辰星高月一層惟月之于人爲
至近也是月以低而大辰星以高而小與前日小于月
義亦相類可見世傳天象圖不過于紙上平面視之耳
若以九層豎起仰觀則凡三垣二十八宿五星二曜其
小大明暗參差不齊何可勝筭要皆高下層疊不同故
也是故合前所聞所見論之于一天之中分之爲九者
因日月星宿位次不等而分之此所以有九天之名歟
噫果信九天匪妄說則九地亦必有義存乎其中矣
臨州吳氏曰天與七政八者俱動今人只將天作硬盤
却以七政之動在天盤上行古來曆家蓋非不知七政

亦左行但順行不可筭只得將其逆退與天度相值處
筭之因此後遂謂日月五星逆行也今當以六虛中作
一空盤却以八者之行較其遲速天一^土木三^二火四日
五金六水七月八天土木火之速過于日金水月其行
之遲又不及日此其大率也然則觀此天與七政次叙
九天之說不信然哉特謂垣宿即天稍不同耳

三垣二十八宿圖位


前昊天垂象圖雖凡星備列其中矣復具此圖者何前
總其繁後紀其詳故不惟三垣二十八宿後各爲之圖
而不厭其煩雖其垣中如紫微已有天皇大帝五帝內

座矣太微復有五帝座天市復有帝座蓋其象不齊其
義亦各有所係非一圖所能悉也列宿已分四方東蒼
龍西白虎南朱鳥北玄武每方各得其七森然不可紊
矣然角宿止二星也周鼎天田平星天門庫樓衡柱南
門皆角之屬而餘宿亦莫不然使不各因其象而細分
之何由得其詳哉且垣宿度數各有多寡光色常變各
有占符君子欲仰觀乾象安得不合其大而析其精歟

三垣十二



八宿總圖



天象王道合一之故

天者萬物之祖懸象著明不言而品類畢陳王者天之元子灋天立道無為而天象益彰有見於天者則曰虛能生有故在天成象在地成形有見於人者則曰影生於形故下有是形則上有是影孰知有則俱有成不獨成曷先曷後耶是故元氣之開也以漸後人或以人事而名象周鼎靈臺天稷王良之類人文之著也以時後大參未開時先有此事王多因天象以設官二垣八政管室東井之類後易曰先天而天弗違後天而奉天時斯其至矣聞其名可以了其義觀其位可以測其蘊自昔聖神未有不冥于此

文者也中古道亨文盛周公得備施於六官春秋道不

文弊孔子不復見於空言秦漢而下榮儒者視天象為

術家而知焉者寡言天者以王道為粗迹而罔焉弗聞

直以占驗轉相註釋大義乖而小道熾徒使英雄假之

以用武姦豪竊之以行私宜乎為世大禁而垂象之精

蘊隱灋天之妙用絕矣夫前世已然之迹未必一一復

見于後世殆可參考而不可為典要者也今以占而定

其所主或數星而同一主管或一星而淆以數占是皆

不明乎道幾何而不致遠則泥也哉且今之言天者咸

以二十八宿為綱不知二十八宿皆當七政經由之常

所見與術家異

道而猶顯著故古之步天者因周以紀七政之行而天
 王合一之妙則未盡於此也粵常仰而觀之帝一也垣
 斗角心義各有在相一也公孤輔相職各有司后妃太
 子諸侯諸臣聞見而有無窮之奧八政六府錯出而有
 天然之蘊大而日月嶽瀆微而昆蟲草木精英呈露至
 理攸存煥乎圖書布列之象多不可損少不可增昭乎
 帝王經綸之法南不可北左不可右更以三五之所陳
 稽類體躬則有以見夫六藝之旨歸頡頏相並萬化之
 綱維昭晰不遺誠王道之權輿列聖之取衷焉者也君
 人者明此則對時育物不假強為人臣者稽此則補衮

此善

非為虛言學者而不知此義則無以奉天體道實

有諸已予病夫王道之失具原天人之二其本也述會
 通以明之言王道與天文通貫只一事也為星一千四
 百六十五為座二百八十三其大義數十其文五千字

宙間事如指諸掌列宿所主截然不移彼專門者測而
 識之因其體之聚拆隱見光之微明變動與夫七政之

體行此道

所以宿離客氣之所以乘見而又參之以十有二歲之
 相伍之以十有二律之徵紀之以十有二州之舍言凶

神明不測

妖祥可必聖而推之是則有司存矣拒而不信非予之

必聖人在

所強也知而弗庸非予之所望也合而凝之存乎德推

而行之存乎通神而明之存乎聖人焉

中垣紫微天子之大內也上垣太微三朝也下垣天市

市也蕪國中矣凡建國中為王宮前朝而後市蓋本諸

三垣也故大帝后太子庶子皆列象紫微總居太內也

凡帝星見處最多蓋中垣者常居上垣聽政下垣治國

角主正月新政心主見於天根北極日太陽其德天皇

乙其神 天乙太

后之德各有所指也

天樞北極所謂北辰居其所而眾星拱之天子為天下

樞而無為之象也五帝座即五小寢退朝宴息之

蓋承雨日之器覆於上勾陳天子親軍護於前也兩垣

宿衛周廬宮伯所掌八次八舍舊立將相等名非也

之武備國家莫重之務周禮掌於宮伯宮正官府士庶子皆統之故中宮者衛士常居也常隨則為勾陳天棓侍朝則為虎賁即位在東宮則為騎官騎將守國則為鞭河招搖也

天星在勾陳裏天明則日月不明王者聰明膚知而不

用其明故冕旒蔽目繒纒塞耳主隱占以見變也天乙

主司戰鬪吉凶太乙主知水旱疾疫皆天帝之神至誠

如神所以首出廢物也大理主平刑獄陰德主施恩赦

君德以仁為主也尚書出納王命之喉舌虞之納言周

之內史太僕之職司也柱史左右史也四輔蓋即虞書

四鄰在周則師氏保氏乃王者之友臣也六甲主布政敬授民時太史主歲年以序事者天柱主晦朔晝夜以

總述

知天文之次序馮相氏會天位叙四時也

世之言天者二家曰推步

三占驗推步主測度推筭在內之事故中宮天柱主推步六甲所以授時占驗必登高遠眺在外之事故上垣則有靈臺下垣則有漸臺畢主邊兵尤當觀天文氣候故有天高若夫憲天以贊化育則六經無非是道言天者故不及知而儒者亦所罕言耳

御女女御之象女史佐后理事而記其美惡者也非斗主出號令定紀綱運旋中央臨制四

方建四時均五行七政之樞機陰陽之本源也有君道

焉勢臨御之柄惟辟作威作福所謂八柄御群臣也然

總述

大履所屬故不欲其明古者或有窺者窺柄而威福恣

